

宋文宪公全集

第二函
第十一册

丙辰立冬鋟竣

宋文憲公年譜

後學孫鏘署檢

序

中華民國元年新曆三月三日卽舊曆壬子正月十有五日
中央臨時政府通告各省舉行民國統一大慶典鏘以避地
天彭雖在僻左亦快覩千載一時之盛而累日鈔輯宋文憲
公年譜適於是日編成乃謹序其端曰於庠事有曠百世而
相感余不自知其何心此昌黎弔田橫之詞也而鏘於金華
宋文憲公蓋竊取以爲比云公本元季鉅儒以文章佐洪武
新命少壯未嘗入蜀觀送陳庭學序備言蜀道之險甚矣卒
以无妄之禍閒關來夔旣歿而後遷葬華陽其身世至可悲
也公之子孫實徙茂州子瓚旋卒孫懌遄回曾孫輩若綱若
紀若賢而外他無聞焉重以獻逆禍蜀塗炭全川民鮮孑遺
詎唯宋氏吾浙距蜀約七千里江水之委由浙入海古道久

煙茫無左稽然浙人之宦於蜀者固未嘗不時有其人也顧
宦蜀雖多而肯崇仰宋公者其在前明若寧海方正學孝孺
浦江鄭教授楷王博士紳親炙門牆實乎尙已他如新昌俞
巡按振才金華潘布政璋慈溪魏御史英天台周副使文盛
慈溪張廉訪曷鄞張中丞時徹其在前清則蘭溪唐明府映
墀錢塘吳制府振械蕭山朱明府鳳樓錢塘吳學使慶坻仁
和王太守永言義烏黃大令卿夔五六百年之閒其姓名見
諸文字者約略可數已鏘之知念宋公者自獲讀遜志齋集
始泊乎己亥泣蜀屢謁公之祠墓旣購閱潛溪書院志略隨
求公之全集久未有得嗣被吏議司鐸金華兵燹再更板無
畱片偶於甬肆訪有殘本鈔補甫訖復來蜀邦適值我公六
百歲生日爰從大吏及諸同鄉後預於冠裳之列因卽勉出

勞薪先刊潛溪錄七卷以爲樣本迨翻刻全集施功未半而
事變適生同人相與惜之蓋以爲遘時不偶莫此甚矣顧竊
自維宋公之歿已餘五百年矣地下而無靈也地下而有靈
迹其思深慮遠以文傳道之心詎甘遽爾泯泯而無望於百
世以下之人哉夫金華曾名寧越府宋公嘗爲其五經師矣
前清嘉慶閒嚴氏刊本又藏板於府學者也顧於五百餘年
後獨令鏘承乏其校官而發起今日刊集之事果何謂哉故
嘗以爲鏘之由同知鑄級改教金華非前川督之有惡於鏘
也宋公之爲之也後之開復原官重來蜀郡非後川督之阿
好於鏘也亦宋公之爲之也然則鏘之一身旣若受驅遣於
冥冥之中貿焉而不能以自主故今日之重校全集與夫補
訂年譜儻所謂曠百世而相感者非耶宋公年譜二卷本浦

江朱戴二先生原編鏘既得之教授金華後茲於校閱之餘
多所增入分爲三卷編輯既竟爲述其緣起如此後學奉化
孫鏘識於寄彭述古之室

按此序成於壬子之春未曾付刊癸丑至今譜中又多增
益而序則仍其舊焉丙辰立秋日鏘又識

...

宋文憲公年譜舊序

宋文憲公居浦講學蘿山當元季應金陵之聘扶翊新運輔導青宮最爲明主所禮重晚而致政歸浦因事累謫戍於蜀之茂州道過夔卒旅葬焉後蜀獻王改葬於成都華陽縣安養鄉之原惠王復改葬於成都迎暉門外廢淨居寺建祠祀公余生長錦里讀公遺集謁公祠墓未嘗不歔歔憑弔慨想公之文章爲有明三百年弁冕安得身至於仙華寶掌間裴裒往復一訪公故里遺跡乎嘉慶丁卯秋奉命宰浦下車後謁宋太史祠儼然如見芳徽夫公由浦而厝於蜀余由蜀而吏於浦此其間不可謂與公無宿緣但余自束髮受書讀四川廉使黃君溥所刊公遺集至浦讀公遺集俱未有年譜總彙巔末令百世下讀公集者得知人論世以想像其生平非

缺事歟戊辰夏邑明經朱君子愷戴君襟三已有編纂定本
二卷將侵梨棗屬余參定并索弁言余受而讀之搜考史籍
臚列公生前生後事蹟按年編次洵爲讀公集者必不可少
之書也國朝初徐墅公作謝皋羽年譜黃梨洲先生序之謂
皋羽身後三百餘年而墅公始爲之年譜信夫後世知子雲
之難也今於文憲公歿後四百餘年之久而二君創爲年譜
繩貫珠聯可不謂難哉余不辭禱昧因舉夙昔神契於公暨
二君之健於著撰者序於簡端至公之勛業載於明史本傳
公之著作詳於名流品隲年譜所採錄已該洽茲不復贅云
時嘉慶十三年歲次戊辰孟秋月上瀚錦城岳炯撰

乾隆壬辰江與仲季殿海殿泗刊刻十四世從叔祖九靈先
生詩文集三十卷復約舉事蹟證諸史集暨家乘訂年譜一

冊旋購書於嘉禾金氏家得宋文憲公遺集三種一爲明正
德九年太原張公縉所刊宋學士集八編計七十五卷係宋
公所手定一爲嘉靖十五年海陵徐公嵩所刊潛溪集八卷
係公同門友鄭仲舒等所輯一爲國朝康熙三年太倉州牧
金華陳君國珍所刊宋景濂未刻集二卷係蔣君超得于公
裔孫穎實家藏本合而核之較於明嘉靖三十年吾浦邑宰
韓侯叔陽所刊文憲公集迄今流布於世者尙有三百三十
餘篇爲韓本所缺爲嗜古之士所未覩三種雕本得插架珍
爲拱璧讀公集者亦旣洋洋成鉅觀矣惜諸本流傳並未有
年譜欲於相隔首尾歷歲五百有餘之久按年編纂夫豈易
言哉嘉慶戊午春江不自量弇鄙旁考遠稽粗纂文憲年譜
草本深虞其挂漏無端緒質於吾友朱西崖氏屬以補苴罅

隙西崖氏勤汲古最喜讀公文集欣然搜公之事蹟次第件
繫彌縫訂定卷析爲上下戊辰秋付之剞劂氏江庸是溯其
緣起竊幸藉手於印須得與吾從叔祖九靈先生年譜均償
私淑夙志以有成緒也且以是正於當世博洽君子焉後學
戴殿江襟三氏謹撰

宋文憲公生於呂成公及何王金許四先生倡明道學之後
金華人才爲極盛涵濡浸灌彬彬然後先輩出元初魁儒葉
通齋方崑南胡汲仲穆仲仍仲吳子善石一黿劉山南諸先
生爲公所不及見同時歸然並峙者公之鄉前哲金華有張
公子長聞人公應之蘭谿有吳公正傳東陽有陳公君采胡
公古愚義烏有黃公晉卿朱公彥脩浦江有吳公立夫柳公
道傳公早從聞人受業長而遊於立夫黃柳之門公之友金

華爲胡仲申氏葉景翰氏蘇平仲氏范景先氏蘭谿爲吳濬
仲氏德基氏徐均善氏義烏爲王子充氏金德源氏朱伯清
氏浦江爲戴叔能氏張孟兼氏鄭仲舒氏浚常氏最爲卓卓
表著者及門劉君剛樓君璉王君紳鄭君淵濟沂楷榦棠諸
兄弟叔姪皆發產也龍門著書青蘿講學第以婺論不越數
百里閒公之師友弟子何其盛哉公晦迹元季徵召不起自
年五十一歲明室肇興應聘而出黼黻皇猷教育青宮爲高
皇所禮重海內鉅儒宿學皆款洽相締交後輩鴻生碩彥皆
相率遊其門下朝廷有大制作皆公所論定晚而致政歸林
又得天台方希直氏而陶冶之遭逢之盛誠千載一時也稽
公一生眞誠純篤表裏洞達始終以紹聖學爲己任而出處
初無殊致入掌絲綸侍從十九年諄諄以三代仁義陳說明

祖扶綱翊紀俾新朝制度規模赫然與漢唐宋媲美鴻章鉅
篇爲有明三百年文章之冠古所稱三不朽者公蓋兼之公
生於元武宗至大三年洎於今歷年已五百讀其遺集者惜
未有年譜無由綜覽其梗概嘉慶戊午春余友戴襟三氏攜
所纂宋公年譜稿本相示屬_悌酌定體例刪訂潤色并補綴
其所未備_悌繙閱載籍一一搜考凡有關於公生平事實者
悉按年件繫補入又另標附錄三種於後分上下二卷歷初
夏望後而底本粗定是編也戴君創之_悌編纂亦頗費日力
爰誌歲月以質於當世宗工及後君子之讀公集者後學朱
興悌西崖氏謹撰

凡例

一文集有年譜所以考前賢學業進修之次第出處取舍之本末知人論世最爲讀書要領然鴻篇鉅製及生平嘉言懿行或於年月無可繫屬收之非冗則漏故此編凡於年月無考概不採入

一譜有綱目仿子朱子年譜及國朝陸清獻公年譜例也首紀元次甲子次提綱次年繫其事蹟於日層層標清以便覽觀

一先生著作甚富凡有年月可隸者悉分按前後載其書名篇名而每書每篇中原委不另摘錄以省卷帙繁重一文憲公卒於洪武十四年辛酉身後事件皆編年紀載亦仿子朱子年譜例也分爲二卷隸公生平事實於上

卷而其餘皆入下卷俾界劃分明

一下卷皆附錄也然錫典祠墓及刊刻遺集是一種遺集
書目及名人評贊是一種宋仲珩事蹟是一種三種旣
無可各標名目又不可芻圖無界限故以上中下分之
一上卷編生前年月皆稱先生下卷隸死後事件自洪武
十四年以至國朝皆稱公以稱公係死後諡法故分別
之

一宋集從前未有年譜定本今創爲排纂俾讀是集者心
目了然其中有未醇未備處冀博洽君子賜之訂正以
廣見聞竊不勝欣幸云
西崖朱興悌謹識

宋文憲公全集卷八十一

年譜上

後學 浦江 朱興悌子愷 戴殿江襟三 原纂

先生諱濂字景濂初名壽後更今名

○鏘案鄭濤撰先生小傳姓朱

氏景濂字也初景濂與祖同以十月十三日生因名曰壽後更名濂上饒鄭錄事復初為製今字○鏘又

案淨慈寺志先生為永明號潛溪又號龍門子○案延壽禪師後身故名曰壽

著凝道記又號元貞子○案先生嘗自稱玄真遜叟所自署也

送序稱今易其名曰元貞子署其號曰仙華道士云見潛溪錄卷五又全集卷三十了園銘自署元貞道

士白牛生○案先生自撰傳僊華生南山樵者○案序玉免泉聯句自署南宮散吏又題墨鞠贊自遠祖

稱禁林散吏又撰釋氏諸文自署無相居士

大理丞憲居京兆唐武德閒自京兆遷吳興歷十四

世榮周廣順中又遷義烏覆釜山○案方輿紀要縣西六十里有覆釜

巖榮通尙書春秋學者私諡文通先生生甫宋雍熙

末又遷智者鄉之根溪口○案凝道記末云至宋有諱甫徙脩里良川上疑根

溪口卽所謂良川上矣傳六世永敷先生之高祖也又遷金華

孝義里潛溪在縣東七十里○案胡助宋氏世譜記甫生訓訓生帳帳生祥

無子以弟海之子阜爲後阜生侃侃生永敷曾祖溥

柏嘉定初同遷金華之潛溪注云禪定寺側德○案世譜記柏無子祖妣周氏祖守富字德政贈

太常卿祖妣金氏贈淑人父文昭○案歐陽玄宋氏世系述文昭一名

朝字文霆又世譜記以一鄉善士稱之贈禮部尙書

集賢院聞其事賜以蓉峯處士之號

妣陳氏贈淑人元至正庚寅○案至正十年詳蘿山遷居志先生自

潛溪遷浦江○案卽仁義里孝門橋之遂爲浦江人

宋文

平

四平
纂以上大字俱是原纂○案先生年譜本朱戴二氏合纂以後止書一原字以存其舊其不注原字皆增輯也原纂中有疑義別加一圈並鐫案云或止案云以明之

元武宗至大三年庚戌十月十有三日先生生提綱皆原纂後倣此

先生在妊七月卽生幼多病每風眩輒昏迷數日祖母

與母更相保抱始無虞原○鏘案全集卷三十二血書華嚴經贊云無相居士未

出母胎母夢異僧手寫是經來謂母曰吾乃永明延壽宜假一室以終此卷母夢覺已居士卽生又卷三

十一永明智覺禪師遺像贊云我與導師有夙因般若光中無去來今觀遺像重作禮忽悟三世了如幻

云云蓋先生本延壽禪師後身也又案錢謙益跋善繼上人血書華嚴經後引新安謝陞曰永明師一轉

爲善繼再轉爲文憲蓋以文憲爲善繼後身誤也詳見潛溪錄卷五後凡見潛溪錄卷幾止寫錄幾二字

四年辛亥先生二歲

仁宗皇慶元年壬子先生三歲

二年癸丑先生四歲